

Bagaimana untuk keluar mengundi hari ini...

Seperti pilihan raya sebelum ini, pusat mengundi akan dibuka dari 8 pagi hingga 8 malam hari ini untuk warga Singapura mengundi. Namun terdapat beberapa perubahan kepada proses mengundi tahun ini untuk melindungi pengundi dari Covid-19. Kami senaraikan apa yang anda perlu tahu...

TEMPOH MENGUNDI KHAS



Jika anda sedang menjalani arahan jangan keluar rumah (SHN), mempunyai suhu badan melebihi 37.5 °C ke atas, atau sedang menjalani MC disebabkan jangkitan pernafasan, jangan ikut masa yang tertera di kad undi. Keluar mengundi semasa tempoh undi khas dari 7 hingga 8 malam.

- Hubungi talian SHN 68125555 untuk memberitahu pihak berkuasa sebelum anda keluar mengundi.
- Jangan menaiki pengangkutan awam untuk ke pusat mengundi. Gunakan kenderaan sendiri atau hubungi talian teksi yang diperuntukkan untuk SHN.
- Pakai pelitup muka dan pastikan jarak selamat sentiasa dijaga serta kurangkan interaksi jarak dekat dengan orang lain.
- Pergi terus ke pusat mengundi dan pulang terus selepas mengundi, pastikan tempoh di luar rumah kekal singkat.


*NOTA: Jika anda sihat, anda masih boleh mengundi pada tempoh ini tetapi cuba elakkan seboleh mungkin.

Pengundi lain

- Pesakit Covid-19 dan yang dikenakan arahan kuarantin tidak dibenarkan mengundi.
- Mereka yang dikenakan arahan jangan keluar rumah (SHN) di prasarana khas akan menerima notis dari Jabatan Pilihan Raya (ELD) dengan maklumat untuk mengundi di petak mengundi khas di prasarana tersebut.
- Warga Singapura di luar negara boleh mengundi di 10 pusat mengundi luar negara yang akan menguatkuasakan langkah-langkah keselamatan dan juga tempoh undi khas, bergantung kepada pengesahan pihak berkuasa luar negara dan juga undang-undang setempat.

DI PUSAT MENGUNDI

Sentiasa ingat untuk menjaga jarak selamat 1 meter pada setiap masa dan memakai pelitup muka.



Pegawai pilihan raya
Pengundi

1 PEMERIKSAAN SUHU



- Suhu anda akan diambil. Jika ia melebihi 37.5 °C ke atas, anda tidak akan dibenarkan masuk dan akan diminta kembali ke pusat mengundi antara 7 hingga 8 malam.
- Pegawai polis akan membantu pegawai pilihan raya untuk menguatkuasakan proses ini di pintu masuk pusat mengundi.

2 DAFTAR ELEKTRONIK



- Rendahkan pelitup dan tunjukkan gambar anda di NRIC kepada pegawai pilihan raya.
- Daftar dengan mengimbas NRIC.
- Jika anda bawa passport, pegawai akan menaip NRIC anda untuk daftar.

3 KERTAS UNDI



- Tunjukkan kertas undi kepada pegawai pilihan raya.
- Anda perlu gunakan sanitiser di tangan dan sarung tangan pakai buang, yang akan diberikan sebelum anda menerima kertas undi.

4 TANDAKAN PILIHAN ANDA

- Pergi ke petak mengundi. Jika anda menggunakan kerusi roda, minta karton khas yang akan diletakkan atas peha anda untuk menandakan pilihan anda.
- Anda boleh gunakan pena pemangkah yang disediakan atau menggunakan pena sendiri.
- Letak tanda pangkah, atau 'X' di petak kosong di sebelah calon yang dipilih. Undi anda tidak sah jika tanda anda berada di luar petak.
- Petak mengundi dan pena dibersihkan sekurang-kurangnya sekali setiap setengah jam.



5 KOTAK UNDI

- Lipat kertas undi sebelum memasukkannya ke dalam kotak undi.

6 KELUAR DARI PETAK MENGUNDI



- Buang sarung tangan yang telah digunakan dalam tong sampah sebelum meninggalkan petak mengundi.